



## ҚАЗАҚСТАН РЕСПУБЛИКАСЫНЫҢ ҰЛТТЫҚ БАНКІ

№ 34 БАСПАСӨЗ РЕЛИЗИ  
2 0 0 7 ЖЫЛҒЫ 10 ҚЫРКҮЙЕК

### Шет мемлекеттердің орталық (ұлттық) банктері өкілдерінің төлем жүйелері жөніндегі кездесуін өткізу туралы

2007 жылғы 10 – 13 қыркүйек аралығында Алматы қаласында орталық (ұлттық) банктер өкілдерінің төлем жүйелері жөніндегі жыл сайынғы кездесуі өтеді, оған ТМД және Балтық елдерінің, сондай-ақ Батыс Еуропа және Азияның жекелеген елдерінің орталық банктерінің өкілдері қатысады.

Орталық (ұлттық) банктер өкілдерінің төлем жүйелері бойынша кездесуі төлем жүйелері саласында жыл сайын өткізілетін халықаралық семинарлардың, форумдардың қатарында дәстүрге айнала отырып, сондай-ақ ұлттық (орталық) банктердің мамандары мен халықаралық сарапшылардың арасында іскерлік және кәсіби байланыстардың кеңеюіне себепші бола отырып, Алматы қаласында жетінші рет өткізіледі (2000 жылдан бастап).

Осы жылы аталған іс-шара «Тәуелсіз Мемлекеттер Достастығы (ТМД) елдерінің төлем жүйелері және бағалы қағаздар есебі жүйесі саласындағы бастамасы» аймақтық қаржылық инфрақұрылымын жетілдіруді көмектесуге арналған бағдарлама шеңберінде «Төлем аптасы» деген атпен Әлемдік Банкпен бірлесіп жүргізіледі. Бұл бағдарламаның басты мақсаты ТМД елдеріндегі төлем жүйелерін және бағалы қағаздар есебі жүйесін нығайту, сондай-ақ осы жүйелерді тұрақты және кезектілікпен дамытуды қамтамасыз ету үшін институционалдық әлуетті көтеру болып табылады.

Ағымдағы жылғы осы кездесуге Халықаралық есеп айырысулар Банкінің Төлемдер мен есеп айырысулар жүйелері жөніндегі комитеті, Еуропалық Орталық Банк және SWIFT сияқты халықаралық ұйымдардан сарапшылар қатысады.

Кездесудің бағдарламасы дәстүрлі түрде іс жүзіндегі төлем жүйелерінің барлық аспектілерін және қазіргі заманғы жай-күйі мен даму болашағының неғұрлым өзекті мәселелерін қамтиды. Кездесу өткізу ауқымының өзі оның қатысушыларына төлем жүйелерінің қазіргі заманғы даму үрдістері мен болашағы бар бағыттарға, сондай-ақ төлем жүйелері саласындағы ғаламдық және ұлттық ауқымдағы жаңа реформаторлық бастамаларды іске асырудағы қазіргі проблемалар мен соңғы жетістіктерге қатысты тәжірибе және пікір алмасу үшін кең мүмкіндіктер ұсынады.

Кездесуде төрт күннің ішінде Әлемдік Банктің жоғарыда аталған бағдарлама шеңберіндегі қызметінің нәтижелері айтылады, төлем жүйесіндегі соңғы оқиғаларға баға беру және Төлем және есеп жүйелері жөніндегі Комитеттің ағымдағы міндеттеріне шолу жасалады, сондай-ақ бірнеше сессия өткізу жоспарланады және кездесуге қатысушылардың «Ірі төлемдердің есеп жүйелерін дамытудағы жетістіктер мен перспективалар», «Төлем жүйелерінің қазіргі заманғы дамуы: елдердің тәжірибелері», «Бөлшек төлемдер мен қызмет көрсетулер нарығы» және «Төлем жүйелері оверсайты (қадағалау)» сияқты тақырыптар бойынша баяндамалар тыңдалады.